

BOSNA I HERCEGOVINA
MINISTARSTVO FINANSIJA/
FINANSIJA I TREZORA



БОСНА И ХЕРЦЕГОВИНА
МИНИСТАРСТВО ФИНАНСИЈА
И ТРЕЗОРА

BOSNIA AND HERCEGOVINA
MINISTRY OF FINANCE
AND TREASURY

CENTRALNA/SREDIŠNJA HARMONIZACIJSKA JEDINICA
ЦЕНТРАЛНА ХАРМОНИЗАЦИЈСКА ЈЕДИНИЦА

V O D I Ć

za podnosiocе zahtjeva za pristup informacijama

Sarajevo, mart 2022. godine
(Vodič je besplatan)

Kako koristiti
ZAKON O SLOBODI PRISTUPA INFORMACIJAMA U BOSNI I HERCEGOVINI

Adresa: Centralna harmonizacijska jedinica Ministarstva finansija i trezora BiH,
Sarajevo, Trg Bosne i Hercegovine 3
Službenik za informisanje: Nihada Hasić, kancelarija br. 1809
Tel. ++ 387 33 205 939, 033 205 820
Fax: ++387 33 206 021
<https://chj.mft.gov.ba>
e-mail: nhasic@mft.gov.ba; chj@mft.gov.ba

U V O D

Vodič treba da pomogne podnosiocima zahtjeva kako bi ostvarili svoja prava u skladu sa Zakonom o slobodi pristupa informacijama u Bosni i Hercegovini ("Službeni glasnik BiH", br. 28/00, 45/06, 102/09, 62/11 i 100/13), (dalje u tekstu: Zakon).

Svrha Zakona je da sve zainteresovane uputi kako mogu što jednostavnije doći do informacija koje posjeduje Centralna harmonizacijska jedinica Ministarstva finansija i trezora BiH (u daljem tekstu: CHJ MFiT BiH).

Vodič će Vam pružiti odgovore na sljedeća pitanja:

- koje informacije možete tražiti
- kako možete dobiti traženu informaciju
- kako trebate napisati zahtjev za pristup informaciji
- u kojem roku smo obavezni odgovoriti na zahtjev
- na koji način možete dobiti odgovor
- ako niste zadovoljni, koja su Vaša prava

Za sva dodatna pitanja na raspolaganju je ovlaštenu službenik za informisanje Nihada Hasić, imenovana rješenjem direktora Centralne harmonizacijske jedinice Ministarstva finansija i trezora BiH, broj:04-1-34-1-69/22, od 28.02. 2022. godine.

Broj: 04-1-02-2-73-1/22
Sarajevo, 07.03. 2022. godine

DIREKTOR
Ranko Šakota, s.r.

Dostaviti:
-Institucija ombudsmena za ljudska prava Bosne i Hercegovine
-web stranica CHJ MFiT BiH
-a/a

KOJE INFORMACIJE MOŽETE TRAŽITI

Možete tražiti svaku informaciju koju posjeduje CHJ MFiT BiH, osim one koja, prema Zakonu, može biti izuzeta od objavljivanja. Odgovor može u cijelosti ili djelimično biti uskraćen ako se Vaše pitanje odnosi na:

- funkcionisanje institucija BiH (otkrivanjem informacija osnovano bi se moglo očekivati izazivanje značajne štete u oblasti: vanjske politike, odbrane i sigurnosti, monetarne politike, sprečavanja kriminala, zaštite procesa donošenja odluke od strane javnog organa u davanju mišljenja, savjeta ili preporuka, a ne obuhvata činjenične, statističke, naučne ili tehničke informacije);
- povjerljive komercijalne informacije treće strane, kada je CHJ MFiT BiH dužna hitno treću stranu obavijestiti o pojedinostima zahtjeva. Ako treća strana u roku od 15 dana ne izvijesti CHJ MFiT BiH da je tražena informacija povjerljiva, ista informacija će se objaviti;
- privatnost - CHJ MFiT BiH će odbiti davanje lične informacije, osim u slučaju ako obrazložite javni interes za objavljivanje lične informacije. CHJ MFiT BiH će odbiti davanje informacije ako utvrdi da tražena informacija uključuje lične interese koji se odnose na privatnost trećeg lica. Naročito će se, prilikom izuzimanja od objavljivanja određenih informacija, voditi računa o odredbama Zakona o zaštiti ličnih podataka.

Informacije koje možete tražiti od CHJ MFiT BiH navedene su u INDEKS REGISTRU CENTRALNE HARMONIZACIJSKE JEDINICE MINISTARSTVA FINANSIJA I TREZORA BIH, a koji možete preuzeti sa službene internet stranice CHJ MFiT BiH <https://chj.mft.gov.ba> ili isti dobiti od našeg službenika za informisanje koji je smješten u kancelariji br. 1809, Trg BiH 3, Sarajevo.

KAKO MOŽETE DOBITI TRAŽENU INFORMACIJU

Da biste dobili informaciju koju tražite, neophodno je uputiti zahtjev u pisanoj formi, na jednom od zvaničnih jezika Bosne i Hercegovine, i to: lično, putem redovne pošte, putem elektronske pošte ili faxom.

ZAHTJEV za pristup informacijama treba sadržavati:

- naziv institucije kojoj se obraćate za davanje informacija;
- jasne i dovoljne podatke u vezi s prirodom i sadržajem tražene informacije;
- ime, prezime i adresu osobe koja podnosi zahtjev za pristup informacijama.

KAKO TREBATE NAPISATI ZAHTJEV ZA PRISTUP INFORMACIJI

Ime i prezime podnosioca zahtjeva

Adresa, telefon i e-mail podnosioca zahtjeva

Centralna harmonizacijska jedinica Ministarstva finansija i trezora, Trg BiH 3, Sarajevo,
n/r službenika za informisanje, soba 1809

PREDMET: Pristup informaciji

U skladu sa Zakonom o slobodi pristupu informacijama u BiH, tražim pristup sljedećim informacijama: (Navesti tačno koje informacije tražite i opisati ih što je moguće preciznije) Molim vas da mi traženu informaciju dostavite u kopiji ako troškovi umnožavanja ne prelaze više ... od KM, koliko sam spreman platiti. Ako kopiranje tražene informacije iziskuje veće troškove, molim da me o tome izvijestite prije nego što moj zahtjev uzmete u razmatranje. Molim da mi odgovor dostavite u skladu sa Zakonom.

Potpis podnosioca zahtjeva

ROK ZA DOSTAVLJANJE ODGOVORA NA ZAHTJEV

- CHJ MFiT BiH po primljenom zahtjevu prvo utvrđuje da li je Vaš zahtjev kompletan i jasan.
- Ako ustanovi da zahtjev nije kompletan, u roku od osam dana ćemo Vas obavijestiti da zahtjev dopunite (pod uslovom da ste naveli adresu).
- U slučaju da ste tražili pristup informaciji za koju CHJ MFiT BiH nije nadležna, Vaš zahtjev ćemo proslijediti nadležnoj instituciji najkasnije osam dana od njegovog prijema, o čemu ćemo Vas pisanim putem obavijestiti.
- Ako ste tražili pristup informaciji koja, prema Zakonu o slobodi pristupu informacijama u BiH, može biti izuzeta od objavljivanja, cijeniće se je li njeno objavljivanje (u cijelosti ili djelimično), u javnom interesu, o čemu ćemo Vas obavijestiti u roku od 15 dana od dana podnošenja zahtjeva. Ovaj rok može biti i duži u Zakonom predviđenim slučajevima (kada je prethodno potrebno dobiti izjašnjenje treće strane o saglasnosti za objavljivanje informacije ili se treća strana obavještava da će se informacija koja je Zakonom predviđena kao izuzetak, zbog postojanja javnog interesa objaviti).

NA KOJI NAČIN MOŽETE DOBITI ODGOVOR

Nakon što CHJ MFiT BiH odobri pristup informaciji koju ste tražili, CHJ MFiT BiH Vam dostavlja rješenje putem pošte (ili na način koji ste Vi naveli u zahtjevu), pod uslovom da informacija nema više od 20 stranica.

Ako informacija ima više od 20 stranica, dužni ste platiti naknadu za umnožavanje o čemu Vas prethodno obavještavamo dopisom, s naznačenim iznosom koji ste obavezni uplatiti. Nakon dostavljanja dokaza o uplati, upućuje Vam se i informacija koja čini sastavni dio rješenja.

U slučaju da CHJ MFiT BiH odbije (u cijelosti ili djelimično) Vaš zahtjev za pristup informacijama, rješenjem ćete biti informisani o tome u roku od 15 dana.

Izuzetno, u cilju olakšavanja pristupa informacijama zainteresovanim licima, ako se radi o tipskim informacijama, ukoliko podnosilac zahtjeva svoj zahtjev podnese usmeno (lično ili putem telefona), odgovor na traženu informaciju može dobiti odmah. Ako se taj upit uputi putem e-maila, također će biti odgovoreno u najkraćem roku.

AKO NISTE ZADOVOLJNI, KOJA SU VAŠA PRAVA

CHJ MFiT BiH je dužna da u rješenju, kojim Vas kao podnosioca zahtjeva obavještava da se odbija pristup traženoj informaciji u cijelosti ili djelimično, navede i sljedeće:

- zakonski osnov za status izuzeća informacije, uzimajući u obzir i faktor javnog interesa;
- pouku o pravu na žalbu nadležnom organu, a što uključuje neophodne podatke za kontaktiranje nadležnog organa (adresa i telefon);
- rok za podnošenje žalbe;
- uputa da imate pravo da se obratite Instituciji ombudsmena za ljudska prava Bosne i Hercegovine, te podatke za kontaktiranje s ovom institucijom.